


140
1939 / 2

საქართველო
ბიბლიოთეკა

სიბნეული



2

1939



პიონერი

საქ. აღკვ. ცენტრალური კომიტეტისა და
საქ. განსახორციელებელ მეთოდური შუამდგომლობის

თებერვალი 1939 წ.

№ 2

გამომცემლობა „კომუნისტი“. რედაქცია მისამართი: თბილისი, გრიბოედოვის ქ. № 34, ტელ. 3-02-61.

პინაკსი

89

1. ალექსანდრე აბაშელი, — საუბარი პიონერებთან (ლექსი) 1
2. ნ. ნაბრელი, — მუნჯი ალაპარაკდა (ნაწყვეტი წიგნიდან) 3
3. იოსებ ნონიშვილი, — დიდის დარიგება (ლექსი) 6
4. სახელოვანი იუბილარი, — (წერილი) 7
5. შალვა დადიანი, — კიკოს ნაამბობი (მოთხრობა) 8
6. სანდრო შლენტი, — გივის საჩუქარი (ლექსი) 10
7. ნინო ნაძარცვა, — ულუ და თეთ (მოთხრობა) 11
8. პოპო, — ფაცეტები (თარგმანი შ. თაბუკაშვილისა) . . . 16
9. კ. ჯავახიშვილი, — ბროკენის აჩრდილი (მთასვლელის დღიურ-რიდან) გარეკანის მე-3 გვ.
10. ნ. ჯაშო, — ჩაინგორდი (გასართობი) გარეკანის მე-4 გვ.
11. ხალხური გამოცანები გარეკანის მე-4 გვ.

ქვეყნული გაფორმებულია მხატვარ მ. ქოქიაშვილის მიერ

ყდის მხატვრობა ეკუთვნის მხატვარ კ. გველიშვილს.



8553

საუბარი პიონერებთან

წითელყელსახვევიანს
როცა ვხედავ თაობას,
როგორც მოხუცს სჩვევია,
ვიწყებ მასთან საუბარს:

* *
—სამშობლოს ყვავილებო,
საყვარელო ბავშვებო,
ახლად ფრთავაშლილებო,
გოგონებო, ვაჟებო!

* *
ერთი აქ შემომხედეთ,
რამდენი ხართ, რამდენი!
სწორედ დროზე მოხვედით,
კარგ დროს დაიბადენით!

* *
ცა ლაფვარდის მდელთა,
შიწის პირი ფართთა,
თქვენი სამფლობელოა,
თქვენი სანაევარლოა.

* *
ისწავლეთ და იბრძოლეთ,
წრე შეჰკარით მაგარი,
ტოლი ტოლად იტოლეთ
და მტერს ერთად დაჰკარით.

* *
დიდხანს აღარ იცდიან,
დიდხანს აღარ დგებიან,
ხელებს მალლა იწვიდიან,
თითქოს მეუბნებიან:

* *
უქმად ჩვენ არ მოვიცდით,
წინ გვიძევსო გზა ფართო,
სწავლისა და ბრძოლისთვის
ჩვენ ყოველთვის მზად ვართო!

სამშობლოს ყვავილებო,
გაზაფხულზე მოსულნო,
ახლად გაფურჩქენილებო,
მზის სხივებით მოცულნო,

* *
ჩვენ ზღაპრად არ გვსმენია,
არც გვინახავს თვალითა,
თქვენ რომ ცა გაფენით
მოქარგული ლალითა.

* *
ეგ სინათლე მოვიდა
განა თავისთავადა—
შაგი თოვლის თოვითა
ღამე იღვა შავადა.

* *
ბევრი ომი მოგვინდა,
ბევრი ბრძოლა დაგვჭირდა,
სანამ ხმალი ლომ-გმირთა
იმ შავ ღამეს დასჭრიდა.

* *
ბევრი ცეცხლშეფენილი
ჩრდილი ქარმა ახვეტა,
სანამ დროშა ლენინის
იმ შავ ღამეს დახვედა.

* *
და იმ ქარის გავლენით
ბევრი ზვაგი აზვავდა,
სანამ ცეცხლი სტალინის
იმ შავ ღამეს დასწვავდა.

* *
და დღეს, აბა რა გითხრაო!—
ღარია და ეს არი!
მზიანი დღე დაგიდგათ,
გაზაფხულს მოესწარით,



ზეცა როდის ყოფილა
ამგვარ სხივთა მფენელი?
რამდენი დამსობილა
დილა გაუთენელი!

* *

ლიმდაკრული ლოყები
ვის უნახავს ამდენი?
სწორედ დროზე მოხვედით,
კარგ დროს დაიბადენით.

* *

ჩვენი დილა სხვა იყო, —
ღრუბლიანმა ცამ შობა,
სიღუხჭირემ წაიღო
ჩვენი მძიმე ბავშვობა,

* *

სწავლას ჩვენ სად ვპოვებდით
წიგნი ჩვენ სად გვებადა?
ჩვენ ნახირს ვაძოვებდით,
ჩვენ ნახირი გვკვებავდა.

* *

ჩვენი ყოფნა ამგვარი
მწარე ტანჯვას თუ ჰგავდა,
ხან გვიკლებდა ავღარი,
ხან კი გვალვა გვბუგავდა.

* *

თითქოს ჩიტსაც შიოდა
ჩვენი ქოხის ბოძებთან,
საკენკს შემოგვჩიოდა,
მაგრამ ვინ უბოძებდა!

* *

ორიოდე მარცვალი,
მოწეული რაც გვქონდა, —
მოდლიოდა ნაცვალი
და ბეგარად გაჰქონდა.

თქვენ სავსე ხართ ყელამდის
მზობლიური ალერსით,
თქვენ გულს გითბობთ ბელადის
გრძნობა უმხურვალესი,

* *

თქვენ მის სახელს მიმართეთ,
მუდამ მისკენ იარეთ,
მისი სიბრძნის სინათლე
გულით გაიზიარეთ.

* *

შორით სალამს მაძღვევენ
ზემართულ ხელებით,
შეეტყობათ ხმაზევე,
რომ თავს ისახელებენ.

* *

მესმის მათი სიტყვები:
ვიცი, ვიცი, ვიცი თო!
ჩვენ დიდ ბელადს მივყვებით
პიონერულ ფიცი თო!

* *


შევარდნების ბუდეში
დაჩეკილნო ბარტყებო!
ქართლის მზიან უბეში
რძენასვამო ბალღებო!

* *

იალბუზის თავიდან
ჩრდილოეთის კარამდე,
კოლხიდის ნიავიდან
ყინულოვან ქარამდე,

* *

შეჯავშნული გარშემო
ეს ქვეყანა თქვენია,
თქვენს სავალ გზას, ბავშვებო,
მზის სხივები ჰფენია!



მუნჯი ალაპარაკდა



ნაწყვეტი წიგნიდან „გულადი ბიჭი“, რომელიც მიქვანილია დიდი ბოლშევიკის, მკვნიბარა რაინდის, სარგო ორჯონიკიძის ბავშვობისაღმი.

იმ დროს დაბაში მეტად უცნაური ამბები ხდებოდა. ვაჭრებისა და მეარღნეების ხარაგაული მოჰკრავდა თუ არა ყურს რაიმე ჭორს, მაშინვე გაავრცელებდა.

აი, ვილაკამ ბაზარში თქვა:

— ხალხო, ხალხო, ახალი ამბავი გაიგეთ? თურმე, ჩვენთან ისეთი მკითხავი ჩამოდის, რომ დედამიწის გულში რა არის, ყველაფერი იცის.

— დედამიწის გულში?!— გაიკვირვეს ბაზარში.

— ჰო, დედამიწის გულში.

— დიდება შენ სახელს, ღმერთო!

— მაკალეთ, ხალხო, ეს რა არის! იმას ისიც სკოდნია, თუ ცაში რამდენი ვარსკვლავია!

— იკურთხა შენი სახელი, მაღალო ღმერთო!

— ვის რა აქვს გულში,— ისიც!

— დიდება შენ, უფალო!

— ვის რა მოელის,— ისიც! მაგრამ ერთი უბედურებაა: მკითხავი მუნჯია.

თურმე, ერთხელ ძილის წინ მაღალ ღმერთს შესჩივლა:

— ჩვენო მამავ, ჩვენო პატრონო, ჩვენო ყველაფერო! მომეცი მე მისნის ძალა, გამაგებინე ყველაფერი, მომასმენინე ეშმაკის ენაო!

მერე მიწვა და დაიძინა. ძილში ჭრისტე გამოეცხადა.

— შენი სახელიო?— ჰკითხა კაცს.

— კონსტანტინე!

— კონსტანტინე? კონსტანტინე დიდ წმინდან გმირს ერქვა, დავითის ძმას. ჩვენი სახელია. და რაკი ასეა, მეც დაგეხმარები, ყველაფერს გაავაგებინებ, რაც ამ ქვეყანაზე ხდება, მხოლოდ ენა უნდა წავართვა: შენი ენით ღმერთების საიღუმლოება წამოგცდება, ხალხს გაავაგონებ.


ამის თქმაზე ჭრისტე გაფრენილა. ოფელში გაწულულ ვახარებულ კონსტანტინეს გამოღვიძებია. თურმე, მოუნდომებია თავისი ალტაცების გამოთქმა, მაგრამ ენა ვერ დაუძრავს. იმ საათიდან კონსტანტინე მეცარი გამხდარა. მამ! — დააბოლავა სიტყვა ბაზრის მოლაყბემ.

ეს ამბავი მალე გავრცელდა ხარაგოულში და მის ახლომახლო სოფლებში. სალამოს ბაზრიდან დაბრუნებულნი უამბობდნენ მეზობლებს საოცარ მკითხავზე.

— იკურთხა, ღმერთო, შენი სასწაულები!

— არა, ქალო, თვითონ ჭრისტე გამოცხადებია?— გაკვირვებით კითხულობდნენ ამბის მოსმენისას...

— ჭრისტე, ქალო, ჭრისტე! კაცი მისნად უქცევია.



— ხალხო, ხალხო, ახალი ამბავი გაიგეთ?

— ნეტავ როდის ჩამოვა ჩვენთან?

— მალე, სულ მალე!

ახალი შთაბეჭდილებისა და სიხარულისაგან ბევრს არც კი დაუძინია იმ ღამეს. ყველას აწუხებდა რალაც-რალაცა და ფიქრობდნენ მკითხავი დაეხმარებოდა.

წვრილშვილიანი აგრაფინე ცას ეწია სიხარულით.

მისი უფროსი გოგონა უკანასკნელ დღეში იყო, წამდაუწუმ ბოდავდა და შფოთავდა. რამდენი ექიმ-



— მიკითხავთ, ბატონო!

ბაშისათვის მიემართა აგრაფინეს, მაგრამ ხეირიანი წამალი ვერ ეშოვნა.

ახლა კი, აი, მკითხავი მოდის! ყველაფრის მკოდნე, მხსნელი! სულ თვალებს დასაოხრის ავადმყოფობას! გოგონა განიკურნება და ისევ იტიკტიკებს, ირბენს, ითამაშებს, გაახარებს დედის გულს...

მაგრამ, ჰოი საშინელებავ! განთიადისას გოგონამ ყრუდ ამოიხრიალა და ფეხები გაჭიმა. აგრაფინემ შეჰკვივლა...

თავს დააღია გაცივებულ ცხედარს უბედური დედა და მოთქმით აქვითინდა.

* * *

ახალი დამთავრებული იყო სატირალი, როცა სოფელს კვლავ ახალი ამბავი მოეფინა:

— თურმე, მისანი კონსტანტინე ჩამოსულა, მეცარი ჩამოსულა!

დალონებული აგრაფინე თავისი ბავშვებით მკითხვისაკენ წავიდა. მთელი ეზო სავსე დახვდა ხალხით. ვინ არ შეგროვილიყო იქ: თავადი, აზნაური, გლეხი, კაცი, ქალი, მოხუცი, ახალგაზრდა, ბავშვი...

— ხალხო, გამიშვით უოჩერედოდ!— ატირდა აგრაფინე.

უბედურ დედას გზა მისცეს...

ოთახში იჯდა ახოვანი, წითური კაცი, მის გვერდით კი ქალი.

— თქვენ ბრძანდებით, ბატონო, მკითხავი? — მორცხვად იკითხა აგრაფინემ.

კაცს ხმა არ ამოუღია. მხოლოდ ქალმა უთხრა: ეს გახლავსო.

— მიკითხავთ, ბატონო!

კონსტანტინემ კარგად შეათვალიერა აგრაფინე.

თვალში ეცა მისი შავი ტანისამოსი. გახსნა სახე, ჩაღურჯებული თვალები, აწეწილი თმა... გაიძვერამ, მიხვდა რა ყველაფერს, მერე აუჩქარებლად კარტი გაშალა მაგიდაზე, სახე შეიკუმუნხა და თავის ქნევას მოჰყვა.

— რას ამბობს, ბატონო? — ჰკითხა აგრაფინემ ქალს.

— ჯერ არაფერს, ვაცადოთ.

ცოტახნის შემდეგ მკითხავმა ხელები აათამაშა მუნჯურად.

ქალმა დაიწყო:

— მისანი ამბობს, რომ შენ დიდი უბედურება გადავიტანია, ახლობელი დაგიკარგავს.

— კი, ბატონო, შვილი მომიკვდა, შვილი, ჩემი გოგო-ო-ო...

— ნუ ტირი. მისანი ამბობს, რომ მისი სული ანგელოზებმა მიიბარესო, ბავშვს პატარა წმინდანად აქცევინო! შენ წვრილშვილანი ქალი ხარ, ღარიბი, გაჭირვებული. მაგრამ ეს არაფერიაო. საიქიოში პირნათლად შეხვალ, იქ მდიდარი იქნებიო. თქვენს სულებსაც ანგელოზები მიიბარებენო. იქ სულ ერთად იქნებითო. მხოლოდ მანამდის ღმერთისათვის უნდა ილოცოთ, მოთმინება უნდა გიყვარდეთო.

გახარებული აგრაფინე გარეთ გამოიჭრა.

— ხალხო, ხალხო! — უთხრა შეკრებილებს, — მართლა ყველაფერი სცოდნია. შვილი მოგკვდომიაო, მისი სული ანგელოზებს მიუბარებიათო, პატარა წმინდანად აქცევინო.

— დიდება შენ, მამაო ღმერთო! საიდან იცოდა ეს!

— შავებზე შეატყობდა! — ჩაილაპარაკა იქვე მდგომმა ერთმა ბიჭმა.

— სერგია, შვილო, ნუ ხარ ახირებული, თორემ განგება დაგსჯის. იგი მეცარია. მოდი, შენც აკითხვინებინე.

— მეც მივალ.

მართლაც, საღამოს, როცა რიგი დაღვა, სერგოც შევიდა მკითხავთან. გაიძვერამ დაინახა თუ არა მკვირცხლი, ლამაზი ბიჭი, მაშინვე გაშალა კარტი. მერე თავი მალა ასწია, გაიღიმა და მხრებზე დაარტყა ხელები.

კონსტანტინეს მხლებელმა ქალმა ასე თარგმნა მუნჯური:

— მკითხავი ამბობს, რომ ეს ბიჭი დიდი კაცი გამოვაო, სულ ჩინებით ექნება დამშვენებული მხრებიო. ვინაში ჯვრებს მიიღებსო, რუს-ხელმწიფის სასახელო გმირი იქნებაო.

სერგომ ამის გაგონებაზე წარბები შეკუმუნხა, გარეთ გამოვიდა. იქ არაფერი უთქვამს. მხოლოდ ცოტახნის შემდეგ მახლობლებს გაუზიარა თავისი აზრი:

— მე მინახავს მუნჯი, მუნჯს რაღაც სხვანაირი სახე აქვს. მკითხავი კი არა ჰგავს მუნჯს.

— ნუ იცი, სერგია, უცნაური ლაპარაკი. მთელი ქვეყანა ამბობს, რომ მუნჯია და მეცარიო. შენ რა გახდი ამისთანა, რომ არაფერი არ გჯერა.

— მე დაბეჯითებით გეუბნებით, რომ იგი მუნჯი არ არის, იგი გაიძვერა, სადაგელი გაიძვერა.

— ბაზარში არა თქვა ეგ სიტყვები, თორემ გაგტყუებენ.

— მე დავამტკიცებ, რომ კონსტანტინე ლაპარაკობს.

— გეყოფა მეტიჩრობა, კარგი.

ამ წუთს მახლობლებსაც კი სულელურად მოეჩვენათ სერგოს სიტყვები. ყველანი გაიძახოდნენ მკითხავი მუნჯიაო, და როგორ დაეჯერებინათ ბავშვისათვის?

— მე მას ჩაუფარდები, — არ ტყდებოდა სერგო, — ჩუმად გამოვუხტები კუნჭულიდან და დავუძახებ: „გეპ“ მკითხავი ენას ამოიდგამს. — და გულადი ბიჭი გაიქცა. ქუჩის მოსახვევში, ბუჩქის ძირა დაიშალა.

— აქ გამოივლის გაიძვერა, დავუყვირებ და ავალაპარაკებ.

დიდხანს, დიდხანს იცდიდა სერგო ბუჩქის ძირას, მაგრამ მკითხავი მაინც არ მოდიოდა. ნაშუალამევს, როცა სოფელში უკანასკნელი კრაქიც ჩაქრა და ყველაფერი მიწყნარდა, გულადმა ბიჭმაც დატოვა საგუშავო, დარწმუნებულმა იმაში, რომ ამოიყო მისი ცდა.

მეორე დღეს ხარაგაულში კვლავ მკითხავის ქება-დიდება ისმოდა. მოწიწებით ლაპარაკობდნენ მასზე, როგორც სასწაულმოქმედზე, როგორც ღვთის შთაგონებულზე.

ამავე დროს ბაზარში ვილაცამ ხმა გაავრცელა:

— ორჯონიკიძის ბიჭს დაუწყია მეტიჩრობა, თურმე ამბობს, კონსტანტინე გაიძვერააო, მუნჯი არ არისო. გაბრაზდნენ ბნელი ადამიანები:

— ერთი აქ მაჩვენა ის ლაწირაკი! წიწილივით გავზღეჩ!

— იმ შხამიან ენას ამოვთხრი პირიდან.

— მივბეგვავ!

— ჩავამწარებ მეტიჩრობას! — ყვიროდნენ ვაჭრები, ლოთები, ცრუმორწმუნეები.

თქმა არ უნდა, სერგოზე მართლაც იძიებდნენ შურს, მაგრამ მოხდა საოცარი ამბავი, რომელიც მალე მოედო დაბას.

სერგომ სადღაც რევოლვერი იშოვნა, ჯიბეში ჩაიდო და, თითქოს არაფერიაო, მკითხავისაკენ გაემართა. ნელა, აუჩქარებლად მივიდა ოთახამდის, მერე უეცრად გააღო კარები და შიგ შევარდა. ელვის სისწრაფით ამოიღო რევოლვერი ჯიბიდან, კაცს დაუღირა და დაუყვირა:

— მკითხავო, ხელები მალლა, შენ გაიძვერა ხარ, მე შენ უნდა მოგკლა!

გადაზაფრულმა კონსტანტინემ ხელები უცებ ასწია ზევით და ანგარიშმიუცემლად, ინსტინქტურად წამოიძახა:


— ბიჭო, არ მომკლა, რა დაგიშავე!

— გარეთ გაიქეცი, თორემ ახლავე გავათავებ! შეშინებული კონსტანტინე ღრიალ-ღრიალით გაიქცა ეზოში, სადაც ხალხი იყო შეკრებილი.

— მიშველეთ, მიშველეთ, — თავდავიწყებით ყვიროდა იგი, — ეს ბიჭი მკლავს!

სერგო ხარხარებდა და აღტაცებით იძახდა:

— აი, თქვენი მისანი, აი თქვენი მუნჯი! ხომ ხედავთ, რა კარგად ლაპარაკობს! გაიძვერა! გააგდეთ მაგი!



— ბიჭო, არ მომკლა, რა დაგიშავე?

ხალხში ჩოჩქოლი ატყდა, ვინ რას ამბობდა და ვინ რას.

— წავიდეთ, წავიდეთ, მართლაც გაიძვერა ყოფილა!

— მოკლათ, ჩაქოლოთ მატყუარა, წამგლეჯი!

— ეშმაკის ფეხია ეს ორჯონიკიძის ბიჭი; ხედავთ, რა საქმე ჩაიდინა? წმინდანი კაცი გააუწმინდურა თავისი იარაღით! ტყვიის დანახვაზე ქრისტემ ისევ წაართვა მისნობა კონსტანტინეს, ენა დაუბრუნა, მეცარობა წაართვა. ასე იცის მაღალმა ღმერთმა! ვაი ჩვენს მოსწრებას!

კონსტანტინემ ყური მოჰკრა ამ სიტყვებს. იგი დამშვიდდა.

— განგებამ გამომიგზავნა ეს ბიჭი, — თქვა მერე ხალხში, — თავი მქონდა ვავსებული ყველაფრის ცოდნით, ვერც ვამბობდი. წუხელ სიზმარი ვნახე: ისევ გამომეცხადა ქრისტე. მითხრა: კონსტანტინე, კონსტანტინე! ხვალ აქაურ ბიჭს გამოგიგზავნი რევოლვერით. შენ დროებით მისნობა წაგერთმევა, მეტყველება დაგიბრუნდება, არ არის საჭირო ხალხმა ყველაფერი იცოდეს, თორემ წმინდად ვერ შევა სამოთხეშიო, და აი, ხალხო, ბიჭიც გამომიცხადა, ენაც ამოვიდგი.

— ნწუ, ნწუ, ნწუ... — თავის ქნევით ამბობდნენ ქალები.

— ქრისტეს ხედავდი, ბატონო, თვითონ ქრისტეს?

— მეძინა, მაგრამ მაინც ვხედავდი, აი, ასე როგორც თქვენ გიმზერთ!

— რანაირი სახე აქვს?

— ქრისტე—ღმერთი მაღალია. გულზე გრძელი, ვერცხლივით თეთრი წვერი აქვს დაფენილი. თავზე ოქროს გვირგვინი, მზით შემკული და განათებული! სულ ოქროს სხივებში იყო გახვეული ქრისტე ღმერთი! იკურთხოს მისი სახელი!

— ნწუ, ნწუ, ნწუ... დიდება ღმერთს, დიდება ღმერთს!—ისევ იძახდნენ განცვიფრებული ქალები.

უმრავლესობა ორ ცეცხლშუა იყო ჩავარდნილი: არ იცოდნენ რა დაეჯერებინათ. რალაც საშინელ გამოუცნობ ბურუსში იყვნენ გახვეულნი. ღამით აწუხებდათ ეს აბეზარი ბურუსი.

მეორე დღეს წირვის დაწყებამდის მღვდელმა თქვა:

— კონსტანტინე მკითხავმა მარხალი გითხრობ გუშინ. მას ყველაფერი დაუჯერეთო.

ბევრს მოეშვა გულზე. კვლავ რელიგიის მაგარ ქურქში გაეხვივნენ, როგორც წმინდა და უმწიკვლო სამოსელში.

ზოგიერთები კი კვლავ ბურუსში დარჩნენ.

მხოლოდ ნაწილს სჯეროდა, რომ სერგო იყო მართალი, კონსტანტინე და მისი მხლებელი ქალი კი გაიძვერები, საძაღლები, ხალხის მატყუარები, წამგლეჯები, საზიზღარი ადამიანები.

იოსებ ნონაშვილი

ქედის დარღვევა

ვარსკვლავების ქარავანი
გადასცილდა ზეცის საზღვარს,
უძილობით ფერმიმკრთალი
მხოლოდ მთვარე ენთო მაღლა.

გაეშალა ყველგან კალთა
ციცკრის სიოს მთით მობერილს,
აყვავებულ ეზოს კართან
არიგებდა შვილს მშობელი.

როგორც კაცი, გვერდით იდგა
მოშრიალე მწვანე ნუში,
ძლივს ისმოდა დედის სიტყვა
ხის ფოთლების შარიშურში.

„მე ჩაგიდგი ძალა მკლავში,
მუდამ ჩემი ზრუნვა გსდევდა,
და ვიცი, რომ წითელ ჯარში
არ შემარცხვენ მშობელ დედას.

იმის სახელს გაუფრთხილდი,
ვინც გაგილო ზეცის კარი,

ვინც დაამხო ღამის ბინდი
და აგვინთო დღე ცისმარი.

თუ საზღვარი გადმოლახეს, —
აიქერ და გასალკლდევი,
გასალკლდევი... მაშინ გმართებს
შეუწვრიო ძაღლებს მკერდი!

და თუ, შვილო, შიშით უძლურს,
ტყვიას ზურგში გიპოვნინ, —
ვიტყვი, რომ შენ ჩემი ძუძუ
არასოდეს გიწოვია!“

ხეივანების გაშლილ ზღვაში
ისევ დილის ნისლი იწვა
და სხივთვალა მზის კაშკაშით
ელვარებდა ცა და მიწა.

მზე ვაჟკაცის გულშიც იდგა,
თვალეშიაც ფეთქდა სრული
მშობლიური დედის სიტყვა
და სამშობლოს სიყვარული.




სახელოვანი იუბილარი

ძველი საზოგადო მოღვაწის ნიკო ტარიელის-ძე დადიანის ოჯახში 1874 წლის 8 მაისს დაიბადა ვაჟი. მას სახელად შალვა უწოდეს. პატარა შალვა უადრესად კულტურულ ოჯახში იზრდებოდა. მისი მამა ნიკო დადიანი, ენათმეცნიერებისა და მედიცინის დიდი მცოდნე, უდიდეს შრომას ეწეოდა თავისი შვილების გონებრივი ზრდისა და განვითარებისათვის.

მეტად აოცებდა იმდროინდელ ინტელიგენციას ნიკო დადიანის თავისებური შეხედულება ბავშვების აღზრდაზე: მან განზრახ არცერთი შვილი არ შეიყვანა სასწავლებელში. ნიკო დადიანს სამართლიანად არ სწამდა იმდროინდელი რუსიფიკატორული სკოლა. მან კარგად იცოდა, რომ ეს სკოლები არა თუ ზრდიდნენ და ავითარებდნენ გონებრივად მოზარდ თაობას, არამედ ფიტავდნენ და უზმოზდნენ მას შემოქმედებისა და ინიციატივის უნარს. აი რატომ აიღო თავისთავზე ნიკო დადიანმა შვილების აღზრდის საქმე. ის მოისევამდა გვერდით თავის ქალ-ვაჟს: მარიამსა და შალვას, და დაუღალავად ასწავლიდა მათ მეცნიერების სხვადასხვა დარგს; ენას, ლიტერატურას, ისტორიას, მედიცინას... ბავშვების ნორჩი გონება სწრაფად იფურჩქნებოდა. მათ სწრაფ განვითარებას ხელს უწყობდა აგრეთვე მამის მდიდარი ბიბლიოთეკაც.

ნიკო დადიანი იმთავითვე დარწმუნდა, რომ ის არ ტყუვდებოდა. იგი ხედავდა, რომ მის შვილებში უკვე პატარაობიდანვე მუშავდებოდა დამოუკიდებელი შრომისა და შემოქმედების უნარი. ჯერ კიდევ 12 წლისა იყო შალვა, როდესაც დაიწყო ხელნაწერი ჟურნალის „მოზარდის“ გამოცემა. ის სხვა ბავშვებთან ერთად ამ ჟურნალში ათავსებდა საკუთარ ლექსებს, წერილებს. ჟურნალში მონაწილეობდნენ აგრეთვე ამხ. მიხა ცხაკაია, მწერალი დუტუ მეგრელი, შალვას და მარიამი და სხვები.



ჟურნალის ნომრებს შრომისმოყვარე პატარა შალვა თავისივე ხელით წერდა. ამავე ხანებში ის ხშირად მართავდა ოჯახში პატარ-პატარა წარმოდგენებსაც. და აი, სწორედ ეს ორი დარგი, მწერლობა და თეატრი, გახდა შემდგომ შალვასათვის საბოლოო წერა ასპარეზი.

19 წლის კაბუჯკს განსაკუთრებით იტაცებს თეატრი, და 1893 წელს ის პირველად გამოდის სცენაზე.

ახალგაზრდა მსახიობი, რომელიც თავიდანვე უდიდესი წარმატებით სარგებლობდა, სიყვარულით შეუდგა მუშაობას ქართულ სცენაზე. მალე მან რეჟისორული მოღვაწეობაც დაიწყო, და უკვე 1907 წელს ქუთაისის თეატრის სცენაზე შალვა დადიანის რეჟისორობით დაიდგა შ. ნა-

თაძის პიესა „ლევან ევანაძე“. მისი რეჟისორობით სულ 105 პიესაა დადგმული.

შალვა დადიანს დიდხანს — 1923 წლამდის — არ მიუტოვებია თავისი საყვარელი სცენა. სასცენო მოღვაწეობის მანძილზე მას 200-მდის როლი აქვს შესრულებული, მათ შორის ისეთი საპასუხისმგებლო როლები, როგორიც არის: „მეფე ლირში“ — თვით ლირის როლი, „ვინ არის დამნაშავეში“ — სიკოსი, „ლალატში“ — ოთარბეგისა და სხვ.

მაგრამ მხოლოდ მსახიობობით და რეჟისორობით არ ამოიწურება შალვა დადიანის მოღვაწეობა. ის თავიდანვე ენერგიულად მუშაობდა ქართული ორიგინალური პიესების შესაქმნელად. დღემდის მას დაწერილი აქვს 40-მდის პიესა. ის ავტორია ისეთი ცნობილი პიესებისა, როგორიც არის: „კაკალ გულში“, „ნინოშვილის გურია“, „ჩატეხილი ხიდი“ და უკანასკნელ დროს დაწერილი პიესა „ნაპერწყლიდან“.

მის კალამს ეკუთვნის აგრეთვე ყველასათვის ცნობილი, ლამაზი ენით დაწერილი ისტორიული რომანი „უბედური რუსი“ და ბევრი სხვა მხატვრული ნაწარმოები.

შალვა დადიანი დღეს განსაკუთრებული ენერგიით მუშაობს ახალ-ახალი ნაწარმოებების შესაქმნელად. მისი ენერგია გააასკც(ა იმ უდიდესმა მზრუნველობამ, რომელსაც იჩენს მისდამი პარტია და ხელისუფლება.

შალვა დადიანი 45 წლის მანძილზე თავისი მრავალფეროვანი მოღვაწეობით დაუღალავად ემსახურებოდა ხალხს, და ამიტომ ხალხმაც დააფასა მისი ამაგი.


თუ რაოდენი ნდობა და სიყვარული დაიმსახურა ქართველ ხალხში დღეს უკვე თმაშევერცხლილმა

საზოგადო მოღვაწემ, ჩანს იქიდანაც, რომ ის არჩეულ იქნა სსრკ უმაღლესი საბჭოს დეპუტატად.

დღეს მისი მოღვაწეობის 45 წლის თავს ზეიპიტ შეეგება საქართველოს მოსახლეობა: მიმდინარე წლის 31 იანვარს მსახიობსა და რეჟისორს, რესპუბლიკის დამსახურებულ არტისტს, მწერალსა და დრამატურგს, სსრკ უმაღლესი საბჭოს დეპუტატს გადაუხადეს იუბილე. საქართველოს მოწინავე ინტელიგენცია უდიდესი სიყვარულით შეეგება სახელოვან იუბილარს.

შალვა დადიანი

კიკოს ნაამბობი



კიკო მშვენიერი ჭაბუკია. ჩემიც კარგი მეგობარია. საუცხოო საუბარც იცის.

ერთხელ კი აი რა მიაბო:

— გახსოვთ, ძია შალვა, ამასწინათ ვიოლინოს ახალგაზრდა დამკვრელის, სორტელის კონცერტი რომ იყო?

— მახსოვს. სამწუხაროდ, არ დავსწრებივარ.

— სამწუხაროა. ო, რა მშვენიერი კონცერტი იყო! გაზეთებში წავიკითხე ქება ახალგაზრდა დამკვრელისა, და მოგეხსენება, მუსიკა როგორ მიყვარს... ვერ მოვისვენე, სანამ ბილეთები არ შევიძინე და დედასთან ერთად კონცერტზე არ წავედი.

— შერბე?

— შერბე აი რა მოხდა: როგორც კი სცენაზე გამოვიდა ახალგაზრდა ხელოვანი, გული როგორღაც უცნაურად ამიძვრდა. ყმაწვილის სახე თითქო მეცნაურა, მაგრამ გაისმა დამატყვევებელი სიმთაბერა და ერთხანს ამან დამიპყრო. თუმცა ყმაწვილის სახე მაინც არ მასვენებდა და დედას წავჭურჩულე:

— დედა, დედა, ხედავ?

დედამ ძლივცასაგონად დამტუქსა:

— როგორ შეიძლება კონცერტის დროს ხმის ამოღება... ჩუმად!

ეს მეც ვიცოდი და მეწყინა, რომ ამის გამო შენიშვნა მივიღე, მაგრამ დედა მართალი იყო, და დავჩუმდი.

კვლავ საოცარი ხმები კლასიკოსებისა— შუბერ-

ტისა, გრივისა, თვით ბეთხოვენისაც. აგერ განთქმული ესპანური საცეკვაოები ბაბლო სარატესი.

რა ვირტუოზი ყოფილა ეს ახალგაზრდა სორტელი!

მაგრამ სახე, სახე მეტად ნაცნობი, მეტად მახლობელი... ნუთუ ის არის?

ანტრაქტამდის თავი შევიკავე, როგორც იყო, მხოლოდ აქ კი გაუფელავენ დედას:

— დედა, ეს ხომ ჩვენი ფასოა. აი, ჩვენ სოფელში ობოლი ბიჭი რომ იყო. ხომ გახსოვს, შენ მოგწონდა მისი ფანდურის დაკვრა.

დედამ არ გაიზიარა ჩემი მოსაზრება. ვერც მსგავსება რამ უპოვა ამ განთქმულ ახალგაზრდასა და ამ სოფლის მეფანდურეს.

დაიწყო კონცერტის მეორე განყოფილება.

რამდენიც მეტად ვუკვირდებოდი ახალგაზრდა არტისტს, იმდენად მეტად ვრწმუნდებოდი, რომ ეხლა გამოჩენილი სორტელი ჩემი სოფელი, მეფანდურე-მწყემსი ფასუა-ბიჭი იყო.

მთელი ღამე არ მიძინია. მეჩქარებოდა როგორმე შემემოწმებინა სინამდვილე და დილამდის მოუსვენრად ვიყავ.

დილით კი გავექანე იმ სასტუმროსაკენ, საცა სახელოვანი მემუსიკე იყო ჩამომხტარი.

მიმილო.

მაგრამ ვერ მიცნო.

ბოლოს ყოველივე გამოირკა: მართლა ფასო იყო და თვითონაც ძალიან გაეხარდა თავისი სიყრმის მეგობრის ნახვა.



გავიხსენებთ ჩვენი ბავშვობა: ოთურშას თამაში, რიკტაფელა და... მისი საუცხოო დაკვრა ფანდურზე, სამწყესურიდან ნახირს რომ მორეკდა სოფელში, დააბინავებდა და შემდეგ ჩვენთან, მის ტოლებთან ჩამჯდარი ფანდურს რომ ააქლერებდა. ბოლოს დოღზედაც რომ დასცხებდა და ბავშვებს დიდხანს, დიდხანს განუწყვეტლივ გვაცეკვებდა.

რა საყვარელი იყო ყველა ჩვენთვის, რა კარგი საშეგობრო!

მერმე კი ცხოვრებამ გაგვყარა. მე სასწავლებლად წამოველ ქალაქს, ძწყეძის მეფანდურე კი თვალთავან მომეფარა და აღარა ვიცოდი რა მისი თავგადასავლისა.

ეხლა კი მიკვირდა, რომ სოფლის ტლუბიქს შესანიშნავ მემუსიკედ ვხედავდი.

ეს გაკვირვება გაგუზიარე კიდეც.

— მეც მიკვირსო, — ღიმილით მითხრა, — თუმცა როცა ჩემ ამბავს გაიგებ, გასაკვირვი არაფერი იქნება...

მოყვა.

— გახსოვს, ჩვენ სოფელში ერთი ძალბაზი კომკავშირელი რომ იყო, სიმონი. შენს შემდეგ ის დამიხლოვდა ძალიან, იმან შემაგულიანა, ჩვენმა კოლმეურნეებმაც მხარი დაუჭირეს, მწყეძისობიდან გამათავისუფლეს და სასწავლებელში მიმცეს.

— მერმე და ესეთი ხელოვანი როგორ შეიქმენ?

— აი ეგ არის კიდეც ჩვენი დროის მშვენიერება, რომ ადამიანის ნიჭი არ იკარგება თურმე. სასწავლებელში შეამჩნიეს ჩემი მუსიკისადმი მიდრეკილება, იქიდან მუსიკალურ ტექნიკუმში მოვხვდი. ტექნიკუმიდან კი ერთმა რუსმა მასწავლებელმა, რაკი თვითონაც ლენინგრადს გადაჰყავდათ, მეც თან წამიყვანა. ლენინგრადში კი იმდენი უნარი გამოვიჩინე, რომ, როგორც ხედავ, გვარიანი მუსიკოსი შევიქენი.

— ჰმ... გვარიანი კი არა, შესანიშნავი ხარ...

— ამბობენ... — კვლავ სათნოდ გაიღიმა. — მხოლოდ ჯერ კიდევ ბევრი ძაკლია, რომ შესანიშნავი ვიყო, ჯერ კიდევ ბევრი მეცადინეობა და ვარჯიში მჭირდება, რომ საბჭოთა ქვეყნის ღირსეული ხელოვანი ვიყო. მე მინდა ჩემი მუსიკა, ჩემი შესრულება ვიოლინოზე ეხმარებოდეს ჩვენი ბედნიერი თაობის გმირული სულის გამტკიცებას, გამხნეებას, აღმა-

ფრენას. ამაში კი ჯერ ვერა ვარ მოლოდინი გაქონილი...

ჰქ უეტრად შეწყვიტა. შემდეგ ესე განაგრძო:


— ერთი რამ მენატრება ძალზე. მინდა ჩემი პირველი ხელმძღვანელი, კომკავშირელი სიმონი ვნახო, ის კაცი, რომელმაც დამაყენა ამ გზაზე. ის კოლმეურნეები, რომლებმაც ხელი შეუწყეს ჩემს აღზრდას და კაცი გამხადეს... ამ დღეებში მივდივარ კიდეც ჩემს სოფელში. კიკო! შენ კი არ წამომყვები?



კიკოსაც ძალიან გაეხარდა, ფასოს წინადადება სიხარულით მიიღო. მხოლოდ სიმონის შესახებ კი აცნობა, რომ ის უკვე ჩვენს უნივერსიტეტში დოცენტად მუშაობდა.

— იმ დღესვე მოვძებნეთ სიმონი, და უნდა გენახათ, ეს ჩვენი დროის ორი ადამიანი როგორის სიხარულით შეეგება ერთიმეორეს! — დაასრულა ჩემმა მეგობარმა კიკომ თავისი ამბავი.

ამ დღეებში კიკო და სახელოვანი მემუსიკე მივმგზავრებიან კოლმეურნეებთან.



გვიის საჩუქარი

ზამთარია, მზიან დარებს
გაზაფხულის პირი უჩანს,
ცა, კამკამა ლაქვარდებით
შეფერილი, ბრწყინავს ლურჯად.

ყოველ დილით, შუბლგახსნილი,
სკოლისაკენ მიდის გივი;
ლექსებს მღერის, მის ნორჩ გულში
სიხალისე მუდამ ღვივის.

წიგნი არის გივის ფიქრი,
არ ასვენებს კიდევ რაღაც...
დღეს მეხუთე დღე იქნება,
თვითმფრინავზე ფიქრობს ახლაც...

გააკეთებს ლამაზ ფრთებით,
შეღებავს და თანაც მორთავს;
სურს თებერვალს რომ მიუძღვნას
თვითმფრინავი ასე კობტა.

მზად აქვს ხერხი, შალაშინი
და ფიცრების მთელი გროვა...
— ჩქარა, თორემ ოცდახუთი
თებერვალი მალე მოვა...

ფრთა გაშალა, ახლაც ფიქრში
სად არ იყო, რა არ ნახა,

აფრინდა და თვითმფრინავით
გაღმა მთები გადალახა.


დაქრის, ფრენით მოიარა
ტყე, მინდორი, მთა და ველი...
ფრინველებთან ისაუბრა
და ბელადზე ლექსებს მღერის.

...მორჩა გივი, ცეკვა-ხტუნვით
იქ სწორებთან გაჩნდა უცებ,
თვითმფრინავი გააფრინა,
ხელებს შლის და მიღლა უცქერს...

უხარია, სიხარულის
ფერი უვლის გივის სახეს,
დგას ბავშვებში, და ნიავი
თვითმფრინავზე დროშას არხევს.

თვითმფრინავი კობტა არის,
მას წარწერა უნდა მხოლოდ,
ვარსკვლავებით დაამშვენებს
შუაში და ფრთების ბოლოს.

აივანზე გაბმულ მავთულს
არ სცილდება გივის თვალი,
თვითმფრინავზე წითლად ბრწყინავს
„ოცდახუთი თებერვალი“.



უღუ მთათ



(გაგრძელება)*

ნელი ნაბიჯით ჩავიდნებ ისინი ბილიკით ხევში, აპყვენ ჩხერიჩხერას ტყიან ნაპირს, იქ, სადაც დიდი მომსკდარი ხე ხილად გასდებოდა მას ერთი ნაპირიდან მეორეზე. ჩხერიჩხერა აქ ვიწრო კალაპოტში იყო მოწყვედული, ხმაურით აწყდებოდა დიდ ლოდებს და, ტალღებად ავარდნილი, დაფშვნილი ცვიოდა ძირს თეთრად აქაფქაფებული. უღუ და თეთ გავიდნენ გაღმა და შეუდგნენ ჯაგებიან კლდოვან აღმართს. ავიდნენ გორაზე და გადმოიხედეს მღვიმისაკენ. შორს მოჩანდა იმათი მღვიმის შავი ღია ჰირი. მღვიმის წინ იდგა ჰობ თვალებზე ხელმოჩრდილული და გაფაციცებით ათვალეირებდა ირგვლივ მიდამოს. უღუსა და თეთს კიდევაც მოესმათ იმისი მუქარის ყიჟინა. ჰობ ერთხანს იდგა და შემდეგ მუშტებმოღერებული გამოიქცა ბილიკზე. უღუ და თეთ შეშინებულნი წამოხტნენ და გაიქცნენ.

დიდხანს მირბოდნენ ისინი ჯაგებში აღმართზე, დაღმართში, ეკალსა და ბარდში უგზოუკვლოდ, ტანი და ფეხები მთლად დაკაწრული და გასისხლიანებული ჰქონდათ, მაგრამ არავითარ ყურადღებას არ აქცევდნენ. მათ არ იცოდნენ რამდენ ხანს მირბოდნენ და ვერც კი გაიგეს, როგორ გაჩნდნენ უდაბურ ტყეში.

ირგვლივ თვალუწვდენელი ხეები აზიდულიყვნენ ცამდის და უზარმაზარი გამლილი ტოტებიდან ეშვებოდა მწვანე ხავსის ფართე ფარდები. დედამიწაზე კი გაშლილიყო ხავსის მწვანე ხალიჩა და ფეხები რბილად, ღრმად ეფლობოდა შიგ.

აქოშინებული თეთ მოწყვეტით ჩამოჯდა წაქცეულ ხის ჯირკზე. უღუ კი იდგა და უცქეროდა მას, ისიც აქოშინებული და დაღონებული. — ოო, უღუ, ჩვენ ვერასოდეს ვეღარ ვნახავთ ნენს, — წასკდა უცებ თეთს ცრემლები და აქვითინდა.

— ეს რა არის, თეთ? წვიმა? — წარმოთქვა გაკვირვებულმა უღუმ, დაიხედა ძირს, აიხედა მაღლა და მიიხედმოიხედა ირგვლივ. ხშირ ფოთლებში ჩამავალი მზის სხივები იკვრივებოდა და მხიარულად დახტოდა აქა-იქ მწვანე ხავსზე. — საიდან არის წვიმა?

* იხ. „ბიონერი“ № 11 და 12 1938 წ. № 1 1939 წ.

— ოო, უღუ, ჩემი თვალებიდან მოდის წვიმა. ოჰ, უღუ, ჩვენ ვერასოდეს ვერ ვნახავთ ვერც ბეს, ვერც პატარა ძმას...

— წვიმა თვალებიდან? მე არასოდეს არ მინახავს არც ბას, არც ნენს, არც ბეს თვალებიდან... და უღუ დაჯდა დის გვერდით. — არასოდეს აღარ გაჩერდება?

— ოჰ, არ ვიცი, არ ვიცი, უღუ, მე მინდა ნენ...

— აბა, სინჯე, იქნებ გაჩერდეს, თეთ. შეხედე მზეს, როგორ დახტის ხავსზე... ჩვენ წავიდეთ, თეთ, პასთან ძველ მღვიმეში...

— არასოდეს, უღუ, არასოდეს! — წამოხტა თეთ, — შენ არ გახსოვს, როცა მოვდიოდით, ბამ რომ წამოგვიყვანა, როგორ დაგვემუქრნენ: თუ აქ დაბრუნებული ვნახეთ, მოგკლავთო! იმათ ხომ არ უნდოდათ წამოვსულიყავით... იმათ უნდოდათ ყველას ერთად გვეცხოვრა...

უღუმ თვითონაც მოიგონა წამოსვლის ამბავი და გაახსენდა, როგორ უნდოდათ პასაც და ყველას, ვინც იქ დარჩნენ, რაც შეიძლება მეტი ხალხი ყოფილიყო მღვიმეში, ბასავით ღონიერი და გამბედავი, რომ გამკლავებოდნენ ყოველნაირ გასაჭირსა და მტრებს. უღუ დაღონებული იჯდა თავჩალუნული.

თეთ იდგა გამშრალი თვალებით, აღშფოთებული და აღელვებული უმტკიცებდა, რომ მღვიმეში პასთან წასვლა შეუძლებელია, რომ იქ მოკლავენ მათ.

— ჰო, თეთ, ბა რომ ყოფილიყო ჩვენთან, ის საძაგელი ჰობ ვერ მოგვერგოდა... — ორივენი დაჩუმდნენ და უღუმ ისევ შეხედა დას. — წვიმა აღარ მოდის, თეთ, შენი თვალებიდან... მეტი აღარ მოვა?


— ოჰ, უღუ, დაჩუმდი, თორემ ისევ წამოვა. თეთმა მჯილით ამოიწმინდა თვალები.

ისევ დაჩუმდნენ. მზის თინათინები აიკრიფა ხავსიდან. ბნელდებოდა, ცა აღარ მოჩანდა ხშირ ფოთლებში. საშინელი სიჩუმე ჩამოვარდა. მხოლოდ საღლაც შორს ბუ გაჰკიოდა მწუხარედ და მას ეხმარებოდა მეორე ბუს ასეთივე მწუხარე კვილი. საღლაც მათ ახლოს მგლის თვალებივით ანათებდა მწვანედ დამპალი ფუტურო. საღლაც შორს გაისმა რაღაცა მხეცის საზარელი ხრინწიანი ხარხარი.

თავბარდაცემული უღუ და თეთ წამოცვივდნენ და გაიქცნენ დიდი მუხისაკენ, სწრაფად ავარდნენ ზედ და ჩაცუქდნენ მის ტოტებში.

საშინელი ღამე გაატარეს ხეზე. თუმცა ყოველნაირ გასაჭირს იყენენ შეჩვეულნი, მაგრამ ახლა ისინი გრძნობდნენ, რომ მარტოდმარტონი, უმწეონი დარჩნენ. ამ დიდ საშინელებით სავსე ტყეში პატარები, მათ იცოდნენ, რომ არც ნენთან, არც ძველ მღვიმეში დაბრუნება არ შეიძლებოდა. არ იცოდნენ, არის თუ არა იმათ გარდა ვინმე ამ ქვეყანაზე. ეს ტყე კი სავსე იყო მხეცებით, რომლების შიშით ისინი კანკალებდნენ მუხის ტოტებში ჩამალულნი და იმათ პატარა თავებში რაღაცა ახალი, უჩვევი, ბუნდოვანი გრძნობა და აზრი დაფუსფუსებდა.

ყველაფერი ჩაშავდა ირგვლივ. ბუბებიც ჩაჩუმდნენ, მაგრამ იმათ ესმოდათ, როგორ გამოვიდნენ ახლა სანადიროდ მხეცები, რა გაბოროტებით მისდევდნენ ერთი მეორეს. რამდენჯერ გაიბრძინეს მუხის ქვეშ! ესმოდათ რომელიმე მხეცის გამწარებული ღმუილი,



საშინელი ღამე გაატარეს ხეზე.

ჯაგების ლაწალუწი, კბილების კრაჭუნი და ხრახუნები ხრუმი. ბევრჯერ გაუფრინა მათ ცხვირწინ რაღაცა შავმა, უსიამოვნო, თითქმის სოველმა ფრინველმა, თუ რაღაც ჯოჯომ. ბნელაში ისინი ვერ არჩევდნენ რა მხეცები იყენენ. იცოდნენ მხოლოდ, რომ დათვის მეტი ვერცერთი მხეცი ვერ გავიდოდა ხეზე, და დათვი კი, თუ ჩუმად ხარ, ხელს არ გახლებს. მუხის ტოტში მიუუქუნნი, ისინი მაგრად მიჰკროდნენ მუხის დიდს და ძალუმ ტანს.

ინათლა. მხეცების ბრძოლა მიწყდა. ტყე აშრი-აღდა, ფოთლებმა იწყეს ცვენა. აქა-იქ რაღაც ფრინველები უსტვენდნენ და ხეებზე სურთით და ფითრით შებარდნილ ტოტებში დახტოდნენ. მუხის ქვეშ გაიბრძინა რუხმა ყურცქვიტამ. შეჩერდა, ჩაცუქდა უკანა ფეხებზე, ყურები ცქვიტა, წამოხტა და მოუსვა ჯაგებისაკენ. საიდგანლაც გამოვიდნენ დედა და მამა ღორი, მოზრდილი გოჭებით და მუხის ქვეშ ჩამოვივინულ რკოს კნატუნი აუტეხეს, კარგახანს აკნატუნებდნენ ისინი რკოს, ჩიჩქნიდნენ მუხის ძირს მიწას და ღრუტუნებდნენ.

თეთსა და უღუს შიოდათ, უნდოდათ ერთი გოჭი დაეჭირათ, მაგრამ ეშინოდათ მამა-ღორის გრძელი და მახვილი ეშვებისა, ისხდნენ წყნარად მუხაზე და თვითონაც აკნატუნებდნენ რკოს, თუმცა ისეთი ხალისით კი არა, როგორც ღორები. ბოლოს ღორები ღრუტუნით გაიქცნენ მხიარულად.

ულუ და თეთ ჩამოვიდნენ.

— ახლა რა გქნათ?

— ახლა ჯოხები მოგტეხოთ, უღუ.

და მათ მოტეხეს დიდი კეტები და დაიკავეს ხელში.

— ახლა წავიდეთ ვნახოთ, იქნება ჰოვ სანადიროდ წავიდა...

— და ნენ და ბე ვნახოთ? — თქვა უღუმ.

ისინი გაიქცნენ ტყეში, ბევრი ირბინეს ჯაგებში, ხავსზე, ჩამოცივივინულ ფოთლებში, რომლებსაც შარიშური გაჰქონდათ ფეხქვეშ. დაიკაწრნენ, დაიღალდნენ, მაგრამ ტყიდან ვერსად გავიდნენ.

— შორს წამოვსულვართ, უღუ, ჯერ რამე ვჭამოთ, ერთი პატარა ღრუტუნა დავიჭიროთ, აი, ხედავ, ერთი ჩამორჩა დიდებს.

ულუმ ქვით მოკლა ერთი ღრუტუნა. მაშინვე დასხდნენ, გაგლიჯეს და ჭამეს. რაც ვერ შეჭამეს, იქვე ხეზე დაკიდეს, დატოვეს და წავიდნენ. მოწყურდათ, მაგრამ წყალი არსად ჩანდა, და გასწიეს საძებრად. გავიდნენ ერთ პატარა, მწვანე, დაფერდებულ მინდორში, რომელიც გადასერილი იყო ცხოველების ბილიკით. ბილიკმა ისინი პატარა დღეეში ჩაიყვანა. დალიეს წყალი და დაისვენეს. დღელის წყალი ნელა მირაკრაკებდა ტყის სიჩუმეში. ირგვლივ უზარმაზარი წიწვიანი და ფურცლოვანი ხეები აზიდულიყენენ თვალუწვდენელ სივრცეში. არც ერთი სულიერი არ მოჩანდა ირგვლივ, თითქოს ფოთლებიც კი არ ინძრეოდნენ ხეებზე, და დასასრული არ უჩანდა ამ ჩუმსა და უზარმაზარ ტყეს. უღუმ

და თეთმა არ იცოდნენ საით წასულიყვნენ და ქვაზე ჩამოსხდნენ ღელის პირას.

— თეთ, რა კარგი იქნებოდა აქ ცხოვრება!

— აქ, ულუმი? — შეშინდა თეთ.

— აბა შეხედე, რა ხეებია, თეთ, აშოლტვილი! პატარა რაკრაკა ღელე... მაგრამ ეს რა არის?

ხეებში გამოვიდა რალაცა ორი დიდი ცხოველი, ორფეხა და თეთრი, უფრო ფრინველის მსგავსი, თუმცა ფრთები სრულიად არ ჰქონდათ. გრძელი კისრები მოეღერებინათ, ყვითელი ფართე ნისკარტი მალა აეწიათ და ბაჯბაჯით მოდიოდნენ აუჩქარებლად¹). თეთსა და ულუს წინ ჩაუარეს, მაგრამ როდი შეშინებიათ, ცალი თვალი მალა ასწიეს და ისე შეხედეს. შემდეგ ისევ წყნარად გასწიეს. ჩავიდნენ ღელეში, ერთხანს სვამდნენ წყალს, შემდეგ ჩასხდნენ კიდევაც წყალში, თავებიც ჩააყურყუმალეს. კარგახანს შემდეგ ამოვიდნენ, გაიბერტყეს ტანი და ისევ ისე აუჩქარებლად გასწიეს იქითკენ, საიდანაც მოვიდნენ. ულუსა და თეთს არასოდეს არ ენახათ ასეთი ცხოველი, გაკვირვებულნი უცქეროდნენ და მალოდ მაშინ, როდესაც ცხოველები ტყის სიღრმეში მიიმალნენ, წამოხტა თეთ:

— რომ არ დაეიჭირეთ?

— ჩვენ ხომ შენახული გვაქვს ღრუტუნას ხორცი.

და ორივენი გაიქცნენ ღრუტუნას ხორცის საქმელად, ძებნეს, ძებნეს, მაგრამ ღრუტუნას ხორცი რომ დაჰკიდეს, ის ხე ველარ იბოვნეს. საჯავიეროდ ტყეში ბლომად იყო რკო და თხილი, დარბოდნენ წვრილფეხა ცხოველებიც, ხის მსუქანი მატლები დაფუსფუსებდნენ დაფუტურობულ ხეებში და მრავალი მსუქანი ხოჭო დაცოცავდა რბილ ხავსში. ხეების ქვეშ ამოსულიყო უამრავი მალაღი, გემრიელი სოკო, და, რასაკვირველია, საქმელი არ აკლდათ. მაგრამ ტყე თავზარს სცემდა მათ, და იმათი გონება იქით იყო მიმართული, როგორმე გასულიყვნენ ტყიდან.

მოახლოვდა საღამო, და ისევ ხეზე უნდა ასულიყვნენ ღამის გასათევად.

თანდათან აცივდა. ქარი ცივად ქშიტინებდა, ფოთლები უფრო სწრაფი ფრიალით ცვიოდა ხეებიდან. ხილი თანდათან მოილია. განსაკუთრებით გაუჭირდათ მათ, როდესაც მალა მთაზე ამოყვეს თავი. ხშირად ასხამდა ცივი წვრილი წვიმა და ნემსებრივ ესობოდა იმათ ტიტველა ტანს, ასველებდა უფურცლო ხეებს და შეუძლებელი იყო სოველ, ასრიალებულ ტოტზე მოსვენებით ჯდომა. მხეცებიც ამისთანა ღამეში განსაკუთრებით გაბოროტებული დაძრწოდნენ და გლეჯდნენ ერთმანეთს. მთელი ღამე ისმოდა მათი სირბილი, ყმუილი და ხეების ლაწალაწი და მაინც თითქოს ყველაფერი სიჩუმეში ინთქებოდა, თითქოს ჩამიჩუმე არ ისმოდა ირგვლივ შავ წყვედიადში. საშინელი ღამეები იყო. ერთხელ დილით, ოდნავ ინათლა თუ არა, მათ შემოესმათ ხეების მტვრევა. ვიღაცა თუ რალაცა მორ...

ბოდა თქარათქუროთ. ულუმი და თეთმა ვეება ირემი, უზარმაზარი ჩხებიანი რქები ზურგზე გადაეწყო და მორბოდა თავაწეული, თავზარდაცემული, შეშინებული თვალების ტრიალით, ენაგამოგდებულ. უკან მოსდევდნენ მგლები ნაკვერჩხალივით ანთებული თვალებით. უცებ ირემი გაჩერდა გამწარებული, მისი ვეება რქები გაიხლართა ხეებში და ველარ გამოატია ისინი. სწორედ ამ დროს მივარდნენ მგლები, მაგრამ ირემმა დაუშინა მათ წინხი და შორს გადისროლა მტრები, ერთი კი ზურგზე შეახტა. მაშინ ირემის სასოწარკვეთილმა კივილმა გაკვეთა ტყის სიჩუმე და გაისმა ქექასავით ქახანი. ირემი გამოხტა ხეებიდან და გაქანდა, ხეზე დატოვა თავისი ცალი ჩხებიანი ვეება რქა.

— გადარჩა! — აღმოხდა თეთს გულიდან. — ისევ გამოუდგა მგლების ხროვა!

— ვერ დაეწვივან, ხელავ, რა შორს არის?

— რა დიდი იყო!

— და რა ლამაზი! — დაუმატა ულუმ.

თეთმა გაკვირვებით შეხედა ძმას.

— სისხლი რომ მოასხამდა მოტეხილი რქიდან, ლამაზი იყო?

— არ ვიცი, მაგრამ მთლად დიდი ირემი რომ იბრძოდა... — ულუ დაჩუმდა.

ასე ვაატარეს თეთმა და ულუმ ბევრი დღე და ღამე ტყეში, ხოლო რამდენი — თვითონაც არ იცოდნენ. მხოლოდ დილით, როდესაც მიწებდებოდა მხეცების საშინელი ნადირობა, ჩამოვიდოდნენ ხიდან, ჩახევიოდნენ ხმელ ფოთლებში და დაიძინებდნენ. გაიღვიძებდნენ თუ არა, ისევ შეუღლებოდნენ ტყიდან გამოსასვლელი გზის ძებნას.

და აი ერთ დღეს საშინელი ხმაურობა და ყვირილი მოესმათ. ერთ წუთს შეეშინდათ, მათ მოაგონდათ ჰობ, მაგრამ მაინც მოიმარჯვეს ხელში კეტები და გაიქცნენ, საითკენაც ხმაურობა ისმოდა, და უცებ ტყიდან კი გავიდნენ. მათ წინ გადაშლილიყო ვეება მწვანე ტაფობი, სადაც მარცხნივ და მარჯვნივ ეშვებოდა დაღმართი. მთავარიანი ადგილები, იმათი მღვიმის გორასავით, ჯაგებით იყო დაფარული და ბილიკები სერავდა. ყიფინა სწორედ მარცხენა დაღმართიდან მოდიოდა. საკვირველი და საშინელი სანახაობა წარმოუდგათ თვალწინ თეთსა და ულუს. ტყავებით შემოსილი, ცულებითა და კეტებით შეიარაღებული მკვრივი ვაჟკაცი ერთმანეთს ურტყამდნენ ქვის ცულებსა და კეტებს, უწყალოდ ხოცავდნენ ერთმანეთს. თეთსა და ულუს არასოდეს არ უნახავთ ამდენი ხალხი ერთად, იმათ არც იცოდნენ, რომ ამდენი ხალხი იყო სადმე ქვეყანაზე. მათ რომ დათვლა სცოდნოდათ, დაითვლიდნენ, რომ აქ ორმოც-ორმოცდაათი კაცი თუ იყო, მეტი არ იქნებოდა, მაგრამ არც დათვლა იცოდნენ და არც უნახავთ ერთად ოცდაათი-ორმოცი კაცი, არც იცოდნენ, რომ აქ ორ ტომს ჰქონდა სამკვდრო-სასიცოცხლო ომი, და განცვიფრებულნი შესტყუროდნენ. მათ ვერ გაეგოთ, რისთვის უჩხდნენ თავებს ერთმანეთს ერთნაირად თმა-

¹) ქვის ხანაში ცხოვრობდა ბატისებური ცხოველი, რომელიც ამოწყდა.

აბურძგენილი, მზისაგან გარუჯული ადამიანები. ისინი ხედავდნენ, როგორ მარცხდებოდა ერთი ნაწილი, როგორ ცვიოდნენ უსულოდ თავგაჩხილები, როგორ იხევდნენ ტაფობში დამარცხებულები და ყვირილითა და ყიჟინით მისდევდნენ გამარჯვებულები. გამარჯვებულებს არ უნდოდათ ცოცხალი გაეშვათ თუნდაც ერთი დამარცხებული. ისინი ყვირილით და იარაღის ჩახაჩუხით ჩამოვიდნენ ტაფობში. აქ ცოტახანს შეჩერდნენ. დამარცხებულებმა მოიკრიბეს უკანასკნელი ძალონე, მოუბრუნდნენ და ეკვეთნენ გამარჯვებულებს, მაგრამ ისევ იძლივნენ.

არც ერთი დამარცხებული აღარ გადაარჩა ცოცხალი. ჰაერი მოიცვა გამარჯვებულების ყიჟინამ, და გაჩაღდა მკვდრების გარშემო ბუქნა-თამაში.

მხოლოდ ერთადერთი გადაარჩენილი მორბოდა სერზე ხელების ქნევითა და მუქარით. ეს ერთადერთი იყო წვრილი, მაღალი, ცოტათი უღუზე დიდი ბიჭი. სერს რომ შემოუდგა, ტაფობში მოჰკრეს თვალი და მღევიარი გამოუდგა.

ბიჭი ქარივით მოქროდა, მაგრამ მღევიარი ვაჟაკი ლონიერი ჩანდა და ისიც თავგამეტებით მოქროდა.

ბიჭმა ამოიბრინა სერი და ტყის კიდებზე დაინახა უღუ და თეთ. უცებ შეჩერდა, და სწორედ ამ დროს მოხვდა ზურგში მღევრის გამოსროლილი ქვა და სწორედ უღუსა და თეთის ფეხებთან დაეცა უსულოდ.

უღუმ და თეთმა წამოუსხვეს ქვებს ხელი და ყიჟინით დაუშინეს მღევარს. მღევიარი შეშინდა, მოტრიალდა და გაიქცა.

თეთმა და უღუმ ასწიეს ბიჭი და ხეს მოაფარეს, თვითონაც მოეფარნენ, რომ მღევრები არ გამოჰკვიდებოდნენ.

გამარჯვებულები კარგახანს ცეკვავდნენ, გაჰკვიოდნენ და ყაყაბებდნენ მინდორში. შემდეგ გახადეს მკვდრებს ტყავები, აართვეს იარაღი, ყველაფერი წაიღეს და წავიდნენ ბილიკებით.

ბიჭი თანდათან მოვიდა გრძნობაზე. შავი ხუტუჭი თმა გადმოსცვენოდა შუბლზე. ტანზე თხის ტყავი ეცვა და თხის ტყავისგე თასმა ჰქონდა წელზე შემოჭერილი. თასმაზე თხის დიდი რქა ეკიდა.

მოვიდა თუ არა გრძნობაზე, ბიჭი მაშინვე წამოჯდა და როდესაც უღუ და თეთ დაინახა, წამოხტა და გაქცევა დააპირა.

— დაჯექი, — უთხრა თეთმა და გაიცინა.

— რატომ მიბრბინარ? ჩვენი ნუ გეშინია, — უთხრა უღუმ და მხარზე ხელი დაადვა. ბიჭი მიხვდა, რომ ეს ორი მისი ტოლი მისი მტრები არ არიან, და გაჩერდა.

— ვინა ხართ? — იკითხა მან, მაგრამ უღუსა და თეთს მისი ლაპარაკი არ ესმოდათ.


უცებ ბიჭმა მოიხედა და მარცხენა გორაზე დაინახა ნადავლით დატვირთული მტრები. შავი თვალები რისხვით დაატრიალა, მოსწყდა ადგილს და მუშტებმოღერებული გაექანა მტრებისაკენ, მაგრამ

თეთმა და უღუმ თვალის დახამხამების უმაღლესად რად ჩაჰკიდეს ხელი.

— ისინი ბევრი არიან!

— ისინი ხომ შენი მტრებია! — ერთხმად ეუბნებოდნენ უღუ და თეთ.

— მე იმათ ვაჩვენებ, მე იმათ დავხოცავ ყველას! იმუქრებოდა იგი.



უღუმ და თეთმა წამოუსხვეს ქვებს ხელი და ყიჟინით დაუშინეს მღევარს.

— რა იყო, რისთვის დახოცეს ერთმანეთი? — ეკითხებოდნენ უღუ და თეთ, მაგრამ ბიჭს არაფერი ესმოდა, და ვერც უღუ და თეთ მიმხვდარიყვნენ, რას ამბობდა ბიჭი.

ბოლოს ნიშნებით მიახვედრა ბიჭმა, რომ მარცხნით, მთის გადაღმა, ცხოვრობდა იგი თავის ტომთან ერთად და...

ერთ ღამეს, როცა ყველას გვეძინა, — ამბობდა ბიჭი, — თავს დაგვესხა უფრო მრავალრიცხოვანი ტომი, რომელსაც არ ჰყოფნიდა საცხოვრებლად პატარა მღვიმე, და ამოწყვიტა მძინარე დიდი და პატარა, ვინც გაღვიძება მოასწრო, ისინიც ვეღარ გაუმკლავდნენ, თუმცა გულადად იბრძოდნენ, და დამარცხდნენ. გამარჯვებულებმა ამოწყვიტეს ყველა და ახლა მარტო მე გადავრჩი.

— ჩვენც გამოვგრეკეს! — თქვა დაღონებულმა უღუმ.

— და ტყეში კინალამ დავიკარგეთ, — დაუმატა თეთმა.

უცებ მათ წინ ხტუნვახტუნვით გაიბრინა კურდღელმა. თეთ მოსწყდა ადგილს, გამოეკიდა, დაიჭირა და მოიყვანა.

ბიჭი გაკვირვებული შეჰყურებდა თეთს.

— ოჰ, შენ ჩემზე უფრო მარტად დარბიხარ, — უთხრა მან.

— სამაგიეროდ უღუ ხელმარდია. კურდღელი ქვით მოკლა უღუმ, გაატყავა და ჰამეს.

— ცეცხლი, ცეცხლი, — ანიშნებდა ბიჭი, რომ შეეწვათ ხორცი, მაგრამ სად იყო ცეცხლი?

— შე თეთ ვარ, — მიიღვა გულზე ხელი, — ეს ულუ. შენ? — ჰკითხა მას თეთმა.

ბიჭი მიხვდა.

— მე გოხ, გოხ, — მოიკიდა მან თავზე ხელი.

მოსლამოვდა, წვიმამ ცრა დაიწყო. ციოდა. ხეებზე შერჩენილი გაყვითლებული ფოთლები ცეკვით და ფრიალით ეშვებოდა ძირს. მხოლოდ წიწვიანი ხეები ბრწყინავდნენ მწვანედ.

ღამე სამივემ ისევ ტყეში გაათია ხეზე. გათენდა თუ არა, ჩამოვიდნენ ძირს. დალა მზიანი იყო.

— ახლა რა ვქნათ, ულუ? აქ ცივა.

— ოო, ჩვენი მღვიმე, — წარმოსქვა გოხმა, გაიხედა თავისი მღვიმისაკენ და შეშინებულმა წარმოთქვა: — ხედავთ, ჩვენ ვკითვალთვალდებენ, როგორ იყურებიან აქეთ!

მართლაც, რამდენიმე შეიარაღებული კაცი მოდიოდა გორიდან ხელების ქნევით ტყისაკენ.

— გავიქცეთ, — თქვა თეთმა.

— გავიქცეთ, მე ვიცი, სად არის მღვიმე დიდი მდინარე იას ნაპირას, მთის გადაღმა გავიქცეთ!

და სამი მოხარდი უსახლკარო გაიქცა ჩირგვებში, რომ მტრებს არ შეეჩინათ. სამივენი მხოლოდ ჯოხებით იყვნენ შეიარაღებულნი. გაიარეს ჩირგვები, მიჰყვებოდნენ ტაფობის კიდეს. გადაიარეს მთა და თავისუფლად ამოიხუნთქეს. აქ მღვერების შიში აღარ იყო. გოხს უკვე ესმოდა უღუსა და თეთის ენა. იმათ ხომ ბევრი სიტყვა არ იცოდნენ აზრის გამოსათქმელად და გზაში რამდენიმე დღე საკმაო იყო იმის შესასწავლად, რაც იცოდნენ.

— ცული, ცული, ისეთი ცული მქონდა, — ამბობდა გოხ, — მაგრამ არა უშავს რა, აქ ახლოს კაჟის მთა არის, მე ვიცი გაკეთება. გავაკეთოთ ცულეებიც და დანებიც.

— მე ვიცი, — თქვა ულუმ, — ბამ მასწავლა, — ჯერ მაგრად უნდა დაჰკრა კაჟს, რომ გასკდეს და

ცალი მხარე უფრო თხელი გამოვიდეს, და შემდეგ ნელანელა გახეხო და გალესო.

გზადაგზა ბლომად იყო თავგები, ხის ძირებში ხოჭოები, და ყოველთვის მადურები იყვნენ. წყაროსთან რომ მივიდნენ, რქით იღებდნენ წყალს და სვამდნენ.

— აი კაჟის მთაც! — დაიწყო გოხმა და გაიქცა გახარებული. ულუ და თეთიც სიხარულით მიჰყვებოდნენ.

კაჟის გორაკზე მრავლად ეყარა დიდი და პატარა კაჟები. მაგრამ მაინც დიდხანს ეძებეს შესაფერი. დიდხანს ურტყამდნენ კაჟს კაჟზე, რომ გამოკვეთილიყო ცულეები, და ბოლოს გააკეთეს სამი ცული და რამდენიმე დანა. ახლა საჭირო იყო ცულეების ტარები. გამოჭრეს ტარები ხის ტოტებისაგან, გაუჩეხეს თავები და ჩასვეს შიგ ყუთთ ცულეები, მაგრამ რით უნდა შეეკრათ? მაშინ გაიძრო გოხმა თავისი ტყავის სამოსი, გამოჭრეს კაჟის დანებით თასმები, მაგრად შეჭკრეს სამივე ცული და უფრო გაბედულად გასწიეს წინ.

მართალია, აქ ისე აღარ ციოდა. როგორც მთაზე, მაგრამ სიცივე მაინც აწუხებდათ.

— არა უშავს, — ამბობდა გოხ, — იქ, ზემოთ, იოს ნაპირას, კლდეებში ბუდობენ თხები. თხები დავიჭიროთ, ხორცი ვჭამოთ, ტყავისაგან კი ტანისამოსი გავიკეთოთ. ოჰ, ოჰ, რა მღვიმეები გვქონდა, ორი დიდი მღვიმე! აი ამდენი ვიყავით შიგ, — ორჯერ დააქნია ორავე ხელი. — ჩვენი მამამთავარი ამბობდა ვერავინ მოგვერევაო და, ჰმ, მოვიდნენ და ყველაფერი წაგვართვეს.

— ჩვენ მოვნახოთ, გოხ, ახალი მღვიმე.


— მაგრამ ჩვენ ხომ მხოლოდ სამი ვართ.

— სამი და პატარები, — ამბობდა ულუც.

— ხომ გავიზრდებით და გავივსებით ძალღონით, ულუ, — უთხრა მას თეთმა.

— გავიზრდებით. იარაღიც გვაქვს და ვიქნებით მდინარე იოს ნაპირას.

(დასასრული იქნება)



ფატეტიები

პოეზია იტალიელი მწერალია. ის დაიბადა 1380 წელს, გარდაიცვალა 1459 წელს. მან რამდენიმე წიგნი დაწერა, მაგრამ მათში ყველაზე შესანიშნავია „ფატეტიები“. ეს წიგნი ლათინურ ენაზეა დაწერილი და 1452 წელს გამოიცა. სიტყვა „ფატეტი“ ნიშნავს ღაცინვას, ხუმრობას, მოსწრებულ სიტყვას. რუსულად „ფატეტიები“ 1934 წელს გამოიცა. ქვემოთ ვათავსებთ პოეზოს რამდენიმე ფატეტიის თავისუფალ-თარგმანს. ზოგმა მათგანმა გადალახა იტალიის საზღვრები და სხვადასხვა ქვეყანაში გავრცელდა.

ფაჩინო კანე და მომჩივანი


ფაჩინო კანე¹⁾ ძალიან ულმობელი ადამიანი იყო და ამავე დროს შესანიშნავი სარდალი. ერთხელ მისი ჯარისკაცი ქუჩაში დახვდა ერთ მოქალაქეს და პლაში წაართვა. დაზარალებული მივიდა ფაჩინოსთან და შესჩივლა: ქუჩაში დამხვდა თქვენი ჯარისკაცი და პლაში წამართვაო.

ფაჩინომ ახედ-დახედა მომჩივანს, რომელსაც კარგი ქურთუკი ეცვა, და ჰკითხა:

— ეგ ქურთუკი გეცვა თუ არა, როდესაც პლაში წაგართვესო?

— დიახ, ეს მეცვაო, — მიუგო მომჩივანმა.

— გასწი აქედან! პლაშის წამლები ჩემი ჯარისკაცი არ არის: არც ერთი ჩემი ჯარისკაცი არ შეგარჩენდა მაგ ქურთუკსო, — დაუყვირა ფაჩინომ.



ვიჩენსადი მევახშე

ვიჩენსადი ერთ ბერს დიდ პატივს სცემდნენ. ის ხშირად ქადაგებდა ზნეობრივ სიფაქიზზე.

ერთი მევახშე მას ხშირად ეუბნებოდა: ჩვენს ქალაქში ძალიან გავრცელებულია მევახშეობა. გთხოვთ უქადაგოთ ხალხს, რაც შეიძლება მკვერმეტყველურად გალანძლოთ მევახშეები და დაჰგმოთ მევახშეობაო.

იმდენჯერ სთხოვა ბერს მევახშემ ამის შესახებ, რომ თავი მოაბეზრა. ერთხელაც ბერმა ჰკითხა:

— ასე თავგამოდებით რატომ მთხოვ მევახშეობის დაგმობას, მევახშეობა ხომ შენი ხელობაა, შენ ამით ირჩენ თავსო.

მაშინ მევახშემ მიუგო:

— ჩვენს ქალაქში ბევრი მევახშეა და ჩემთან ცოტანი მოდიან ფულის სასესხებლად. თუ შენი ქადაგება ბერს დაარწმუნებს და ისინი ხელს აიღებენ მევახშეობაზე, მაშინ მათი შემოსავალიც ჩემ ჯიბეში მოხვდებაო.



¹⁾ XV საუკ. იტალიაში იყვნენ ე. წ. კონდოტიერები, დაქირავებული რაზმების უფროსები. ფაჩინო კანე ერთერთი ასეთი რაზმის უფროსი იყო.

ძალის დაბრუნების მღვდელი

ტოსკანაში იყო ერთი მღვდელი, ძალიან მდიდარი. როდესაც საყვარელი ძალი მოუკვდა, მან იგი სასაფლაოზე დამარხა. ეს ამბავი გაიგო ეპისკოპოსმა, უნდოდა ფული დაეცანტლა მღვდლისათვის და დაიბარა, რომ დაესაჯა, როგორც საშინელი საქმის ჩამდენი. მღვდელმა კარგად იცოდა ეპისკოპოსის ხასიათი, წავიდა მასთან და თან წაიღო ორმოცდაათი ოქროს ღუკატი. ეპისკოპოსმა დატუქსა ძალის დაბრუნებისათვის და ბრძანა ციხეში ჩაგდეთო: მაგრამ ემმაკმა მღვდელმა უთხრა ეპისკოპოსს:



- მამაო, რომ იცოდეთ, რა ჭკვიანი იყო ჩემი ძალი, არ გაგიკვირდებოდათ, რომ მან დაიმსახურა აღამიანებთან დაბრუნება. მას აღამიანზე მეტი ჭკუა ჰქონდა, როგორც სიცოცხლეში, ისე სიკვდილის მომენტშიც.
- რას ნიშნავს ეს? — ჰკითხა ეპისკოპოსმა.
- სიცოცხლის უკანასკნელ წუთებში, — მიუგო მღვდელმა, — მან ანდერძი დაწერა და, ვინაიდან

იცოდა თქვენი ხელმოკლეობა, ამ ანდერძით დაგიტოვათ ორმოცდაათი ოქროს ღუკატი. მე ეს ფული თან ჩამოვიტანე.

მაშინ ეპისკოპოსმა მოიწონა ანდერძი და დაბრუნდა, მიიღო ფული და გაუშვა მღვდელი.

თარგმანი **ზ. თაბუკაშვილისა.**

ბრძოლის აჩრდილი

1937 წლის ზაფხულის მიწურულში აველით ყველასათვის ცნობილ მყინვარწვერზე.

ერთ საღამოს მთის კალთაზე ვიდექით. ქვევით, ასიოდე მეტრის იქით, იწყებოდა ჯანლის ფარდა, და ამ ჯანლის ფარდაზე, როგორც ეკრანზე, მოხაზული იყო უზარმაზარი ნათელი წრე. ამ წრეში მუქად ჩანდა აღამიანის სილუეტი. გაკვირვებისაგან გავცეცდი. ქუდი თვალებზე ჩამომეფხატა, ხელი გავიშვირე გასასწორებლად, და ნათელ წრეში იმ ბუმბერაზმაც ქუდზე წავივლო ხელი. ამ დროს წრეში მეორე ბუმბერაზიც გაჩნდა. გავიხედე—ამხანაგი ამომდგომოდა გვერდში. უხლოოდ ახლა მივხვდი,

რომ ეს ჩვენი აჩრდილები იყო ცაზე აღბეჭდილი.

მოვლენა, რომელმაც ასე გაგვაკვირვა, საკმაოდ ცნობილი და შესწავლილია. მას „ბროკენის აჩრდილს“ უწოდებენ. ბროკენი ჰარცის ქედის (გერმანიაში) ყველაზე მაღალი მწვერვალია. აქედან იშლება შესანიშნავი სანახაობა. მოგზაურები ხშირად ეწვევიან ხოლმე მას მზის ჩასვლისას.

სწორედ ამ დროს ჰარცის ღრუბლიან ჰორიზონტზე გამოჩნდება ხოლმე მწვერვალზე მდგომი აღამიანების ლანდები, აჩრდილები. და თუ დაბერა ქარმა და გაფანტა ღრუბლები ეს აჩრდილები ღრუბლებთან ერთად ქრება.

კ. ჯავახიშვილი



ჩაინვორდი

შეადგინა ნ. ჯაფია

ყოველი სიტყვის ბოლო ასო წარმოადგენს მინი_მოგვებელს [სიტყვის პირველ (დასაწყის) ასოს.



სიტყვების მნიშვნელობანი

- | | |
|-----------------------------------------------|---------------------------------|
| 1. სამოქალაქო ომის გმირი, ქართველი „ჩაპაივი“. | 9. ზმესპირის ტრაგედიის გმირი |
| 2. ალაშიანის სამეცხველო ორბანო. | 10. ქალაქი საქართველოში |
| 3. რიცხვი | 11. გრძელის მრთამრთი სახე |
| 4. ლ. ჩიკვაძის ფილოზოფია | 12. დასასვენებელი ადგილი ყირიში |
| 5. ახალგაზრდათა კომუნისტური ინტერნაციონალი | 13. ნიკო ლომოშვილის მოთხრობა. |
| 6. ქაღის სახელი | 14. ყვავილი. |
| 7. უმაღლესი წილადი | 15. ჯაბი. |
| 8. ნაცვალსახელი | 16. უაჩუფა |
| | 17. აკიის მრთამრთი ღარგი. |

ხალხური გამოცანები

- | | |
|-------------------------------------------------------|----------------------------------------------|
| 1. თეთრად დავიბადე, წითლად გავიზარდე, შავად დავბერდი. | 3. ოდენო, ოდნის ოდენო, სირიმ-კაჭკაქის ოდენო. |
| 2. ჩენს სადგურზე მედგრად ვლგვევარ, ყელი მომიღერებია. | ღეილა გაბუნია |
- ქ. თელავი, I საშუალო სკოლა, VII კლასის მოსწავლე.